



Augusti Buchneri Orationes Panegyricæ

Buchner, August

Cliviæ, [1668]

VI. Serenissimæ Principi ac Dominæ, Dn. Magdalenæ Sibyllæ,
Brandenburgicæ, Divi Ioh. Georgii I. Viduæ.

[urn:nbn:de:hbz:466:1-69483](#)

maiores aut pares. Implete maxima nominum o-
mina, & reddite nobis excelsum atque invictum MAU-
RITII animum: pietatem AUGUSTI & sapientiam:
magnitudinem CHRISTIANORUM ac bonita-
tem, & Patris unius hæc omnia; Tuqve in primis
JOHANNES GEORGII: ut non vocabulo tan-
tum, sed universâ gloria etiam PRIMO par,
& ALTER potius, qvam SECUN-
DUS existas.

D I X I.



ORATIO SEXTA.
 SERENISSIMÆ PRINCIPI AC DOMINÆ,
 DOMINÆ
 MAGDALENÆ SIBYLLÆ,
 BRANDENBURGICÆ,
 DIVI
 JOHANNIS GEORGII I.
 ELECTORIS SAXONIÆ,
 VIDUÆ,
 DICTA IN TEMPLO ARCIS,
 IPSO EXEQUIARVM DIE,
 ANNO CLO. IOC. LIX.

Si locus illus superesset precibus, haberentqve
vota, qvò caderent, id ante omnia in præsenti o-
ptarem, ut supersedere his lacrimis penitus sqva-
toreqve nobis liceret; aut mihi perinde, ut vo-
bis,

bis, RECTOR MAGNIFICE, PATRESQUE
AMPLISSIMI TUM CÆTERI OMNIUM OR-
DINUM AC DIGNITATUM NOBILISSIMI,
CLARISSIMI, PRUDENTISSIMI ATQUE
LECTISSIMI AUDTORES, sedere muto fas es-
set, mœroremque communem religioso testari silen-
tio. Quod si per truculentiam fati, quo facta infecta
fieri nequeunt, sperandum alterum non sit; alterum
verò auctoritas vestra, PATRES, qui me jussistis lo-
qui, haud sinat; restabat precari, tanta suppeteret mihi
ingenii vis, copiaque dicendi, quæ & æquare dolorem,
qui passim incedit, & paria facere cum laudibus ejus
gloriaque posset, de quâ in concione istâ dicendum
est. Sed quæ felicitas mihi tam absolutæ eloquentiæ
largietur vim, quæ hanc infantiam meam in consumma-
tum dicendi habitum repente commutet? Enim verò
hujus eximiæ facultatis nec mihi quicquam affuit ha-
ctenus, & si fuisset, id delevisset senectus dudum, quæ
deprædatur euntibus annis non florem corporis tan-
tum ac vim; sed animum quoque debilitat, ejusque
solertiam vigoremque, si non extinguit penitus, valde
infringit. Quomodo igitur aut incrementa capiat
res, quæ nondum cœperit? Aut primum accipere po-
terit quispiam hujusmodi aliquid, & absolutum statim
accipere? In omnibus enim rudimentum spei ante est,
quam rei experimentum: & quicquid est, ex parvis
seminiis in maturitatem suam cum tempore crescit.
Vanum itaque fuerit, huc votis descendere, & puerili-
ter pene optare, quæ nulla dies aut ferre potest, aut fe-
ret. O infelices itaque cani mei, qui improbam istam
vivacitatem huc adduxisti, ut satis haud sit, bien-
nio ante, hoc ipso in loco tuum, DIVE JO-

I

HAN-

HANNES GEORGI PRIME , deflesse obitum ; nisi jam illætabilis officii genus , nunc MAGDALENÆ tuæ SIBYLLÆ etiam , incomparabili Principi , præstandum veniat ! Quid agam nunc , aut quid non agam miser ? Quid si lacrā maximè , confusus & obstupefactus luctu ? Aut eloquar contra , clarissimarum virtutum admiratione instinctus ? Qui incumbentem magni ponderis molem toto connixi contra corpore , vix eluctati tandem sunt , nec nisi eliso robore omni , aut malè luxato , se emergerunt , si sustollendis novis sarcinis inepti prorsus atque inutiles evadere solent ; quid de me fiet , si commodavero vocem dolori communi , cùm eam jamdudum in illo funere consumserim omnem ac profligāim ? Hebet omnino ad hanc necessitatem pauxillum illud ingenii , quod nondum confecit senectus ; torpetque ac obstupefecit lingua penitus , ipseque spiritus deficit , qui impletat os , sufficiatque dicendis in præsens . Quantus enim in MAGDALENA SIBYLLA & maximarum rerum modus , & illustrissimarum laudium exuberantia fuit ? Sed quicquid sit , vestro parendum imperio , PATRES , & obeundum vel invito est , quod declinare non licet . Ac si defuerint alia , quæ imbecillitatem meam sustineant , vel ipsamet magnitudo rei loco solatii erit . Ut excidam enim his maximè , quæ audenda nunc sunt ; recreaverit tamen , ausis haud mollibus me excidisse . Si agitaret secum quis , qualemnam esse oporteat principem fœminam , cui nihil eorum desit , quæ aut tribuere favor Numinis , cum maxima ; aut summa conferre virtus queat ; non aliam temerè , credo , conciperet speciem , atque quam hactenus in MAGDALENA SIBYLLA venerati sumus , & nunc

nunc lugemus. Enituit aliqua illustri ortu ; sed obsolevit connubii imparis fœdere : & contra in aliâ splendidissimas nuptias tristis sterilitas obscuravit. Sunt quæ in admiratione cœlestis forma decoraque juventus posuit ; sed quarum animos sordidissima via commacularunt. In Principe nostrâ tam conspíraverunt summa laudandaque omnia : ut nihil majus natalibus, nihil felicius ac fortunatius matrimonio ; nec alia temerè facies olim concinnior venustiorque videatur. Tanta præterea in eâ virtus , ut ejus implere mensuram vel consummatissimis arduum fuerit. Paternæ originis decus ex Serenissimorum Brandenbargensium Marchionum domo ; Maternam nobilitatem ex Juliacensium Ducum prosapiâ traxit. Quæ magnitudo ibi atque sublimitas ? Et quantum hîc lumenis splendorisque fuit ? Fuit , dico : nam in GUILHELMO , qui MARIAM ELEONORAM suam , matrem nostræ dedit , antiquissima illa stirps , & si annales veteres audimus , ab ipsâ magnitudine Romanâ descendens , exaruit atque defecit. Documento clarissimo , magna quantumlibet ruere tandem in se , atque desinere lege communi , quâ orta senescunt , & quæ ad senectutem pervenerint , desinunt . Sed florentissima Murchionum familia , quid , quod ascendat , amplius habet ? Quam & Electoralis purpura attollit adhuc supra apices alios ; & sanctitas Cæsarum eò jamdûm evexit fastigii , quo nullum superius in rebus humanis. Quid soli fortunæ deberi , qui putet , fallitur sanè ; neque intelligit , haud cuiquam in facili contingere magna sine virtutibus maximis , quæ suâ divinitate ac vi in obsequium sibi ipsam trahunt fortunam.

Quos enumerare Heroas
12 hinc

hinc ortos h̄ic esset copia , incredibili fortitudine ac magnitudine animi, justitiā pr̄ter h̄ac, prudētiāque, & cæteris artibus civilis habitus insignes ? Sed satis fuerit unum ALBERTUM commemorare, genitorem FRIDERICI ALBERTI, quo MAGDALENA SIBYLLA patre sata auspicis felicissimis est. Hic enim ille ALBERTUS est, qui ex Teutonicorum EQUITUM nobilissimi , & magnis rebus gestis incliti ordinis magistro creatus Borussiae Dux , & opulentissimæ provinciæ imperium Brandenburgicis ditionibus primus adjectit. Qui veritatis cœlettis lumen , depulsis perfidiæ Pontificiæ tenebris, in regionibus illis accedit primus : qui Academiam Regiomontanam instituit, & locupletatam amplissimis vestigalibus dedicavit magnificè. Quæ tanta sunt, ut nulli subactarum gentium triumphi ac laureæ ; nullæ opulentissimorum regnorum accessiones, non gloriæ dicam ac nominis, sed plus emolumenti ac utilitatis potuissent afferre. Quid majus enim præstantiusque in rebus humanis, quam rectè sapere ? Huc officinæ studiorum nos ducent. Et non excidere cœlo , quod vera donat religio, annon votorum nostrorum terminus ultimus est ? Maecta hac incunabolorum gloriâ, hac eminentiâ natalium esto, MAGDALENA SIBYLLA , & tanto tibi gratulare magis, quantò uberior matrimonii dignitas felicitasque ortui tuo respondent. Quid tuo JOHANNE GEORGIO PRIMO aut majus tibi aucupari spes , aut excellentius potuisset præstare fortuna ? Quo nemo eorum , qui in excelso positi, aut nobilitate antiquior, ampliorque ; aut fidei, pietatis, constantiæ justitiæque, tum rerum fortiter provideque gestarum gloria , prior clariorque fuit. Quem tot in-

ingentium meritorum in patriam, in imperium, in universam Christianam rem collatorum tituli in illud levant culmen, quod pauci concidunt. Sed quantum est nuptiarum dignitate clarescere, si defint cætera, quæ læta ac fortunata hæc fœdera faciunt, immò absolvunt? Quorum adeò tibi, MAGDALENA SIBYLLA, nil defuit, ut superfuerit plurimum, & sic vix habeat humana felicitas, quò tollere amplius vel beatissimos conjuges possit. Quæ animarum arctissima copula? Qui æmulus amor? Quæ reverentia mutua inter vos perpetuo fuit? Non potuit quinquaginta annorum efficeret ætas, ut quicquam fribusculi intercederet, tædiusve subiret. Quo vetustior nexus, hoc firmior sanctiorque non tantum, sed & jucundior copula erat. Ut opes viresque ab ætate haud magis, quam dulcedinem sumeret, quod vina solent. Quod si felici liberorum propagine ipsa connubiorum consummatur felicitas, quid erat, quo vota vestra ascenderent, beatissimi conjuges, cum obtinerent jam summa? Fingunt Poëte Cybelen quandam felicitate uteri cœlum terramque implesse numinibus; & ortum ex ea, quicquid Deorum Dearumque, quæ patet orbis, coleretur. Si vera fabulis conferre fas est, te alteram Cybelen, te matrem magnam, MAGDALENA SIBYLLA, venturæ celebrabunt ætates, cum te tot Deos Deasque hoc est, Heroas ac Heroinas dedisse noscent, quot liberos dederis, & in illorum progenie orbi impertiisse tantam clarissimorum Principum, tot populis gentibusque daturam Dominos turbam. In grandiore ætate formam yelle laudare ineptum quodammodo sit. Hæc enim juventutis illorumque annorum dos propria est, qui crescunt adhuc, & lœtum benignumque

succum in membra dispensant. Qui vergunt & procedunt decorum corporis, trahunt unā secumque abripiunt: ac quicquid in ore, in oculis, in cætero corpore suavissimâ hactenus radiaverat luce, perimunt fermè ac tollunt. Silendum tamen in nostrâ haud est, hanc partem laudis, præter morem tot annis, quos habuit, vix jam libatam, nedum extinctam fuisse atque deletam. Gravis rectusque incessus, nihil adducta in tristitiam frons, plenum modestumque oculorum lumen, intemerata oris honestas, loquebantur adhuc juventæ bona, & quantam augustis thalamis olim Principem intulisset. Scilicet architectrix natura, cum fingeret primùm texeretque, ita compegerat partes, & solidatis undique eum honorem afflaverat, ut in novissimam valetudinem viridis nihil haberet, de senectute quod quereretur. Non sine luculento pignore, ingentes naturas de cœlo trahere plurimum eamque ob rem, ad instar illius, florere diutius ac incorruptius durare: cùm, quæ terreni plus præferunt, ad præpollentis materiæ indolem, & vices capiant citius, & destruantur facilius. Qui ædes magnificas ingressi fuerint, non in illarum specie tantum & eleganti membrorum commensu ornatuque hærere stupereque solent; sed de illarum domino quoque ac possestori soliciti sunt, & venerari optant corā, cuius sublimitatem ac excellentiam de splendifissimâ venustate structuræ præsumserant. Perinde mihi contemplato hactenus superficiem Principis, & quicquid in eâ fatorum dono eminuit extra, ac fulsit circum; curæ nunc erit, qui habitaverit intus animus, & hanc pulcherrimam agitaverit molem, inquirere simul & admirari,

mirari. Ego verò ita existimaverim omnem animorum vim, auctoritatemque ac pulchritudinem à virtutibus manare. Ut quò earum in quōque plures extiterint, eò illustrior ipse diviniorque haberi debeat. Sed quod in navi gubernator est, dux in exercitu, in corpore anima; id in virtutibus pietas est. Quæ nisi regit, ac dicit, & animat veluti cæteras, errare, labi, jacere, quicquid earum affuerit, oportet. Quod si jam planè aberit pietas, aut nullæ omnino virtutes aderunt, aut simulacra quædam atque imagines in somniorum momenī inani specie illudent. Simul formosum os Luna protulit cœlo, simul stellarum ingens chorus incedit unā: similiter pietatem comitatus virtutum splendissimus sequitur, & ministerii instar præsto est Dominae atque perpetuò hæret. Quare quò major in Principe nostrâ & abundantior pietas fuit, eò uberioris circa ipsam virtutum omnium splenduit jubar. Rectè veroque sentire de DEO; perinde eundem colere, artes præcipue fuerunt, quas imbibit tenera, & post adulta firmaque exercuit semper. Videbat diverticula ac flexus; sed ipsa tenebat iter rectum, quod institerat semel, & nusquam à militari se viâ patiebatur abduci. In aliter sentientes non intonabat conviciis, miserabatur potius: & quos dolebat errare, reduci in viam, subinde optabat. In cultu divino simplicitatem magis decoram, quam apparatus nimios compositasque in speciem pompas solebat probare. Namque ut DEUM mentem purissimam noverat, ita eundem puritate animi coli quam optimè, existimabat: eaque propter in eo semper dedita fuit. Quâ devotione adibat templâ & publicis sacrâs intererat? Quam curam, quod studium solebat afferre ad auscultandos sermones, qui habebantur

tur ibi de suggestu sacri? Quo desiderio, quâ destinazione revertebatur, factis exprimere gestiens precepta pulcherrima quę audiisset? Jam domi & in cubiculo orare, psallere, evolvere oracula cœlestia, non vacui temporis habebat solatia, & quasdam remissiones veluti, sed verissimi operis descriptas partes: quibus nisi serio daret animum, medullitusque, ut Ennianâ voce utar, impenderet se, nihil egisse arbitrabatur. Et dubitabimus suppliciis istic ac precibus, & multum averruncatum malorum à nostris cervicibus, & plurimum contra bonorum, quibus fruimur, procuratum fuisse? Gaudet, gaudet his artibus vinci ac expugnari cœlestis numen, eoque redigi, ut amet annuere deliberantibus vera consilia; sumentibusque eorum periculum adesse benevole; ne quæ consulta pulchrè fuerint, turpiter exeant: sed rationes optimas eventus melior consequatur. Non raro maximis scœminis fastigii sui conscientia, & recordatio nimia summæ fortunæ verba dedit; eoque ambitione semel corruptum impulsit animum, ut partes virorum invaderent, & ad injuriam interpretarentur, si non & ipsæ regnarent junctæ regnantibus. Aliam sectam ac rationem illa complicitissimi animi moderatio injunxit nostrę: quę cum se Principem non ignoraret, scœminam tamen, atque sub Principe esse, adeò usque oblivisci haud potuit, ut in excelso posita private similior videretur. Non irrupit in curiam, non se se ingressit viri consiliis; & multò minus statuendi de rebus sibi sumisit arbitrium, quam intra gynecéi sui penetralia & sexus pudor, & quietis animi continebant. Hoc tantę modestię par respondebat magnitudo animi: ut quam aversa ambitiosis intra mensuram sexus sui se cohibusset, tam rursus

rursus eundem transiret constantiam. Ingruerat nobis belli gravissimi moles ambigua: eoque res nostrae ad ductae erant, ut proprius abesse a tempore ultimo vide rentur. In tantâ tempestate tot circum circa cadentium fulminum, quis ea firmitate animi erat, ut non pavesceret, aut trepidaret saltim anxietate futurorum eventuum? Quid nostra? non concidebat animo muliebriter, lamentisque ac questibus incendebat omnia; vel parum decoris abdebat se latebris metu amens: stabat obverso in fortunam vultu altitudine suâ innitens, & freta pietatis armis permittebat se DEO: hinc venerata providentiam moderantis omnia; hinc bonitatem clementiamque nihil non indulgentis adorans. Quid, inquietus, divino relucter ordini? Quid jactem jugum, quod patienter ferendo levius faciam? Melius fata communia tolerando vincam: quæ nisi paruero, gravius prement. Qui modò iratus aversus que videtur, mox placidus pacatusque aderit. Qui castigavit, solabitur rursus, ut in utroque se patrem ostendet. Nam tristiores parentes liberis sunt, quos fidelius amant. Quis fortiora a viro exspectet, aut meliora a Christiano? Liviam Augusti legimus habuisse perpetuò viri lateri, & indivulsam secutam comitem, quocunque iret. An ejus amore ac studio, & quod se bonæ conjugis titulum tueri haud crederet, si pateretur separari ab eo, cui in omne fortunæ vitæque consortium deductæ esset? An, aemulatione, pre posterâ, & insidiosâ curâ servandi, quia non ignorabat errores viri; & quam non durus amator esset, ipsam sibi locupletissima testis erat? Agrippina quoque, Germanici uxor, præclara in eum amoris ac fidei, comita ta maritum in provincias non separanda castro-

rum socia fuit; sed non nolente viro, & tum solenni
Romanis matronis consuetudine, ingens animi discrimi-
numque contemtrix, & eō obfirmata usqve, ut du-
cis induere mania aliquando auderet. Nostra, profe-
cto in exercitum conjugē, & peregrē fulminante armis,
semper restitit domi: non qvod non gravaretur desideratissimis carere obtutibus; sed ne corrumperet pu-
doris modestiæque propositum: in primis verò ne
non pareret abeuntis præceptis: qvorum religionem
sanctiorem habebat, qvam desideria sua ut vellet præ-
ferre. Videbat qvantis rationibus consilium viri in-
niteretur, & qvas respiceret caussas, cum domi mallet
manere. Nam qvid imbellem & delicatum sexum
castrensi duritiei impingeret? Quid officiorum con-
funderet fines, imponeretqve sc̄eminæ, qvibus nec
viri semper sufficient? Multa in castris per militarem
designari licentiam, qvæ verecundioris cujusqve pu-
dor ferre haud possit. Inesse præterea mulierum co-
mitati, qvæ frangant animos, & ausis fortibus abstra-
hant, & bellum formidine morentur. Non eadem de-
cere matronas principes, qvæ in gregali mulierum vul-
gō ipsa conditionis fors honesta facit. Qvarum ne-
cessitatibus, vix nisi virorum contubernio consuli pot-
est. Manebat itaqve domi, sed corpore; animo ac fau-
stis omnibus perpetuò seq̄ebatur, & jugi orationum
sacrificio salutem viri, legionum fidem invictum ar-
morum robur DEO immortali commendabat. Hęc
solitudinis suæ solatia pariter negotiaqve habebat.
Qvibus qvanto vacare liberius & efficacius intra secre-
ta domestici laris poterat, qvam foris inter tympano-
rum tubarumqye clangores, & militum strepitus, &
nunquam silentium castrorum officiosos tumultu-
tus?

tus? Quid habent huc Agrippinæ, quid Liviæ, quod se
præ nostrâ jactantius efferant? Majoris constantiae
est, sine viro durare, quam desiderio imparem, comi-
tari in castra. Amare ac colere absentes etiam, & san-
ctius licet. Propria hominis virtus humanitas est:
quam qui excludunt principes à communi naturâ abe-
unt, & divinitatem in eo neq[ue]icquam affectant. Nam
si humanitas nihil aliud est, quam benignus benivolus-
que in omnes affectus: quid in cœlesti illo ac summo
numine magis exuberat? Qvod nulli non patet: nul-
lius non admittit & audit preces: nulli non opem at-
que auxilium præstat: qvod æquè omnibus providet,
ex æquo omnes ad delicias amat. Quare quo huma-
niores principes sunt, hoc proprius ad bonitatem
accedunt numinis, & abundantius similitudinem e-
jus exprimunt, cuius in terris vices sustinent. Mi-
rum in modum hac etiam laude nostra excelluit Prin-
ceps: cuius humanitate nihil proximus, nihil comita-
te simplicius, nihil facilitate magis remotum à blandi-
endi artibus fuit. Quam adituri patebat ultrò? Quam
hos benignè excipiebat? Quâ svavitate, quibusque le-
poribus ad sermonis invitabat commercia, & pari ju-
cunditate detinebat? Ac inter hæc omnia, quam nihil
in vultu severum ac triste? Quam in oratione ac gestu
nihil superbum ac arrogans, aut arte quæsumum? Con-
temnere, rejicare, aut fastidire imparés, vix que digna-
tos verbis paucissimis dimittere, non magnitudinis, sed
fastus atque superbiæ statuebat, quæ perpetuos comi-
tes odium, atque invidiam trahunt, periculosos princi-
patuum asseclas, quos amor ac benevolentia tutissimos
facit. Quam se amabilem his moribus, tam vene-
rabilem juxta iisdem præstabat. Quantum enim faci-
litatis

litatis inerat, tantundem & inerat gravitatis: qvæ reverentiam parit: nam illa amorem conciliat. O temperamentum pulcherrimum, & unum omnium efficacissimum ad comparandam auctoritatem pariter & conservandam! Nam qvod facilitas præstruit, illud solidat atqve emunit, ne diffuat, gravitas: & ita fit, ut amplum illud atqve augustum opinionis in mentibus hominum exsurgat tandem ac efflorescat. Supra perstrinximus qvam magnitudinem animi ostenderit nostra, cum increbuisserent bellorum procellæ: nunc recurrentum eodem denuo est; qvamqvam per saltus pluribusqve præteritis; & attingendum, qvam æqvè constanter ac sapienter se gesserit incomparabili conjuge erepto terris, ut cœlum suum subiret. Mollis naturâ mulierum animus, & parum plerumqve firmus, cùm ad sustinenda læta, ac prospera, tum toleranda tristia atqve adversa. Nam in utramqve nimis partem modum vix servant, & cùm excedere ceperint seriò, ad mediocritatis mensuram reduci haud facile patientur. Cæterū qvos amaverunt, cùm fruerentur, vehementius; hos impotentius fermè desiderant, ac insolabiliter amissos lugent. Non h̄ic fomentis temere, non advocationibus locus est. Incumbunt orbitati suæ, rimataqve assiduè vulnus, ac refricantes veluti, nullum dolendi gemendiqve faciunt finem. Altioris indolis virtutisqve nostra in Viri funere exemplum dedit. Non exuebat maritalem affectum, sed cohibebat intra terminos, nec evagari ulterius sinebat, qvam ratio præscriberet. Nihil non pietatis in depонendum contulit, & in depositum nihil honoris omisit. Cùm interim tamen dolor et haud plus, qvam aut honestum Principi esset, aut æquum tot maximorum

Prin-

Principum matris. Qvare qvod aliæ tempus inanibus lacrimis, & nihil profuturis questibus donant, abditæ tenebris & omnem propemodum exosæ lucem; id vi-ri memoriaz, id admirationi virtutum ejus, id maximo-rum meritorum deprædicationi tribuebat: verissima inde solatia petens, unde mæroris ac ægrimoniaz causas aliæ ducunt. Et qvid iniqvius ferret Conjugis fa-tum, qvæ circa sele qvot aspiciebat charissima pigno-ra, tot levamenta casus reperiebat? Videbat JO-HANNEM GEORGIUM SECUNDUM suum, fastigium idem tenere, in quo tot annos eminuissest pater, virtutum ingentium, & optimi principatus ex-emplum edens, qvod nunc non æmularetur magis fi-lius, qvam laudabiliter exprimeret. Videbat AU-GUSTUM suum, in culmine positum proximo, de-corum haud tantum avitis titulis, sed sacræ infelis et-iam venerabilem. Videbat CHRISTIANUM at-que MAURITIUM, qvantos Principes? Qvam viva spirantiaqve patriarcharum virtutum simulacra atqye ima-gines! Et nondum commemoravi illustrissima Nata-rum lumina, SOPHIAM ELEONORAM Has-siacam: MARIAM ELISABETAM Holsaticam: MAGDALENAM SIBYLLAM Danicam ante sed nunc Saxoniam: nondum ex his & illis nepotum pronepotumqve tam numerosam, & pene populi in-star habentem cateryam. Tot salvis suis contume-lia prope videbatur, si pro desertâ & orbâ in clade u-nius se gereret. Ut nihil incorruptius Principe nostrâ & sanctius, cum adhuc viro juncta ageret, fuit; sic vacua matrimonio, & in viduitatem data idem propositum tenuit, paullò severius tamen atqve adstrictius, senem, & viduam se recognoscens; qvarum pudorem

ac

ac famam non nisi seria graviaq; tueri possunt. Ju-
venculas enim amcena ac lata non indecent. Qua-
dratilla fœminarum longè in Romanis Princeps fuit.
Hæc viro orbata, & octogenariæ propior, ævum tam
grande, & vidui thalami otium sic collocasse noscitur,
ut lascivisse puellariter, oblita nimium sui, non gravi-
tatem senilem custodiisse, videatur. Ludebat calcu-
lis, freqventabat cœtus, adibat spectacula, qvæ vel
theatrum publicum ipsi, vel domus sua præbebat. Ha-
bebat enim artifices, & pantomimos, fovebatq; effu-
sius, ut tum prudentes censemabant; qvam ejus deceret
personam. Et quidnam illi non faciebant, ut adulan-
di officiis patronæ arreperent, & voluptatem aliquam
studio suo procuderent? Cursitabant, exultabant,
plaudebant, mirabantur: singulos denique gestus
dominæ reddebant cum canticis. Scenam putasses,
aut nuptialem, non lenis viduæ fuisse domum. Qvam
nihil horum circa nonstram erat videre? Qvam con-
tra ea modesta omnia adstrictaq; ac sancta? Non sce-
næ usqvam ac pulpita: non choriarum obrepebant
pompæ: non acroamata alia audisses, qvam qvæ in le-
ctionibus sacris, & personandis divinis laudibus occu-
parentur. His oblectationibus mulcebat ætatem;
his meditamentis viduitatem suam exercebat. Non
qvia per sinisteritatem naturæ aversaretur amcena vi-
tae ac lvavia; (qvod asperi ac truculenti ingenii homi-
nes solent;) sed qvòd propositum tale atq; silentium
illi imprimis statuebat congruere, cui & senilis ætatis
gravitas, & tori vidui sanctitas custodienda. Solent
nonnunquam, qvi grandiore natu sunt, hanc trahere la-
bem, ut parci immodicè, & plus qvam par est, augendis
rebus intenti, seipso affligat, ac fini qvò propiores fue-
rint,

rint, hoc vitæ magis, inepta sollicitudine, laborent prospicere. Nostra qvam à luxuriâ temper absfuit, tam avaritiâ quoqve mansit intacta. Illudere opibus & patrimonii vires in vana ac ludicra visendave tantum prodigere, non prærogativâ fortunæ summæ; & labore rare de cumulanda pecuniâ sordidè, humillimi cujusqve existimabat. Qvo consequebatur, ut nec egeret fiscus, & vacuo atqve exhausto ne succurrendum parum decoris artibus esset, cui perennitas sua innocentia redditum, & prudentia sumtuum optimè constat. Liberalitatem sic exercebat, ut nepotari ne permetteret. Donabat, largiebatur; sed cum judicio: subinde respiciens, & qvid & quantum, & cui daret. Misericordia vero, & qvos fortunæ iniqvitas nudos vagosqve & exules fecerat, aut videbatur fecisse, nunquam non porrigebat manum: rata in talibus, *non intellectu*, qvod ille ait, *sed eleemosyna opus esse*, qvæ omnibus debet patere. Qvicqvid dabat, id dabat libenter ac promptè: non superbè ac gemens, & ut objiceret aut imputaret: cùm nihil aliud quam bonitatem animi, honestique amorem sequeretur, & emularetur illum ad eò, cui vicariam operam principes præstant, qui omnia omnibus dat, non qvòd merentur omnes, sed qvòd indigent. Non pauca dixi hactenus, plurima tamen præterii. Et quis sufficeret omnibus, qvæ poterant dici? Cum colligo interim atqve consummo, qvæ memoria hactenus sunt, mecumqve admiror reputans, non possum non profiteri Principe nostrâ, tot inclitâ laudibus tot adornatâ, virtutibus maximis, nihil illustrius ac excellentius; qvin nihil perfectius, ut inter homines, ac absolutius existuisse: & itaqve dignam, qvæ nunquam deficeret: ne instar tantum
atqve

atque exemplum unquam deficeret principes fœminas, ad quod se forment & exigant, si vivere velint cum laude, & gloriösè tenere culmen, in quo fortuna ipsas constituit. Sed ô conditionem rerum fluxam atque instabilem! O circumscriptam naturam hominum, quæ magnum atque eximum aliquid potest producere æternum ac immortale idem præstare non potest! Inclusa omnia nascendi ac pereundi vicibus sunt: & unum illud certum atque immotum est, nil certum esse. Qvicquid infra supraquæ atpicimus, hanc legem patitur, nihil exceptum exētumquæ est. Omnibus una incubit necessitas, & rapit omnia. Ut steterit dia aliquis, decidit tamen, & solvit tandem, ac reddit in terram, unde coailuit. Hoc receptaculum illud commune est, quod accipit omnes, & pares facit omnes; utut hos ante fortuna virtusvè distinxerit. Hactenus magni ac humiles, dites & pauperes. Stulti ac sapientes dicimur: huc ubi ventum, cessant ista discrimina, & discimus serio omnes ex æquo nos homines esse, hoc est, mortales. Quid inter hominem tum & hominem interest? Nihil omnino: nisi quod aliorum actus præclaros fama ac gloria, hoc est, alia vita sequitur; silentia aliorum aut turpitudines, vel eadem condit obscuritas, vel idem dedecus atque infamia, quâ ante flagraverant, manet. Recordabatur hæc nostra assidue, sed reputabat unà, haud totum finiri, cùm obit, hominem: alteram tantum & viliorem partem resolvi in cineres, sed revicturos olim, & coituros rursus in id, quod fuerant ante; divinorem expertem funeris agere, & simili soluta custodia corporis fuerit, evolare in cœlum, & redi origini, non avellendam à DEO, ex quo duxit natales, ac lecuturam olim decre-

decretorio die redinstitutam compagem corporis unitamq; ve animæ indissolubili vinculo in nunquam finienda gaudia perpetuò duraturam. Hæc agitans secum atq; ve subinde repetens, nec unquam ante extimuit mortem, & obrepentem jam, vix intellectam, promte constanterq; excepit. An enim timeret, qvæ mortem, non finem vitæ, sed immortalitatis felicitatisq; perpetuæ jauam esse ac aditum planè erat persuasa? Qvare nihil lamentis, nihil ignavis questibus dabat tripudiabat & exultabat potius, atq; ve jam præsumebat qvodammodo, & auspicabatur præludens, qvod operatura in ævum omne esset, si locus ullus ævo est, ubi æternitas est? Quid agunt felices illæ ac cœlo receperæ animæ? Laudant DEUM, psallunt DEO: & in his ipsis satagebat Princeps, digressura jam terris. Nam dum sub iectu ultimo vita staret, exorsa subito regium carmen LAUDA, inquit, ANIMA MEA DOMINUM: LAUDABO DOMINUM IN VITA MEA: PSALLAM DEO MEO QUAMDIU ERO. Ego nō putaverim Principem, cùm hæc inferret, teneri athuc se credidisse corporeis vinculis? Imò in jucundissimâ imagine extra se raptæ, aut velut amœno somnio losa, persuaserat sibi, esse jam ibi, quod transitura brevi seriò esset; & inenarrabiles Musarum cœlestium audire cantus. Earum itaque æmulatione quasi accensa, LAUDA, infit, ANIMA MEA DOMINUM. Non dicit, OS MEUM LAUDA DOMINUM; nam excessisse corpus rata, quid jam ab eo posceret vocem, quod spiritu omni defecum esset? Animam igitur appellat: qua unâ sese jam metiebatur. Qvare quas imposuerat animæ modo, hanc sibi mox ipsi transcribit partes, LAUDA-

K

BO

BO DOMINVM , atque IN VITA MEA ait.
 Quid hoc est , SERENISSIMA PRINCEPS ? An
 alienam igitur ha&tenus vixisti vitam , ea&que dimiss&a,
 nunc tuam demum propriamque te vivere putas ? I-
 mò verò tuam ac propriam : neque enim nostrum est,
 transire quod potest : commodatum aut mutuati-
 um est ; hoc nostrum ex verò , hoc proprium ; cuius
 plena perpetua&que possessio manet , & extra omnem
 amittendi formidinem positum est . Ecquis putabit
 verè vitam , in mortem quæ potest desinere ? LAV-
 DABIS itaque DOMINVM TVVM , & LAV-
 DAS nunc plenè , IN VITA TVA : non illâ caducâ
 atque mortali , quæ falso vita , fallô nostra , dicitur : sed
 verâ illâ & inocciduâ , & cui nullum unquam cum mor-
 te commercium venit . PSALLAM inquis , DEO
 MEO QVAMDIV ERO . Quid , quæso , est DIV
 ESSE ? Semper esse ? Nam istud diu quid est , in quo
 extremum aliquid est ? Ut centum aut plures annos
 quis duret , multis annis fuit , non diu fuit . Illud reve-
 rà DIV EST , quod dies omnes pervadit , quod vincit
 tempora , & extra omnes terminos positum , metam
 non habet . Neque ex verò EST , nisi quod semper
 est , & cadere atque finiri , haud cupit . PSALLAM
 DEO MEO QVAMDIV ERO . Hoc poteras di-
 cere , cum in extremâ velut tegulâ stares ; hoc est , de
 luce cùm deceendum , & jam cundum , in cineres
 esset ? Quin hoc dicebas , cùm defuncta tibi videbaris
 eo , quod imminebat ; & jam translata , ubi latitia in
 vultu DEI , & delicationes in dexterâ DEI usq; in finem .
 O felix abitus qui inter laudandum DEUM , inter psal-
 lendum DEO contingit : imò cum usurpare contingit ,
 in quæ eximus , antequam exeamus , & commutemus
 statio-

stationem mortalem! Morari in terris adhuc, & tam
en esse in cœlo! Desivisse nondum hominem, &
Angelorum officiis fungi! O faustum felicemque a-
bitum? O beatissimam læsiſſimamque solutionem!
Vides, vides, MAGDALENA SIBYLLA, DEUM
tuum de facie ad faciem! Complexa dexteram ejus, iis
ex omni parte abundas gaudiis, quæ nec mortalis un-
quām vidit oculus, neque audivit auris, & in cor homi-
nis non ascenderunt, & illis tantum præparavit D E U S,
qui ipsum dilexerint. Laudabis D E U M ; psalles
D E O, quamdiu vives, quamdiu eris; at nunquam non
vives, nunquam non eris, unita D E O, qui vita ipsa &
ipsa æternitas. Quid faciam AUDITORES, an ego
detester * Februarias Eidus, quæ abstulerunt matrem * Nā
patriæ, quæ nobis eripuerunt Principem nostram? ^{priid.}
Quod sexus sui fortunæ que exemplum? Quod orna- ^{Eid.}
mentum seculi? Quod Patriæ lumen? An venerabor ^{A. cl. 9.}
potius, & ante ipsas propemodum * Kalendas Janua- ^{1. c.}
rias ponam? Hæ quidem ediderunt ipsam terris; sed LIX.
illæ cœlo reddiderunt, unde orta erat. Hæ auspicatæ ^{mor-}
ejus humanitatem sunt; at illæ divinitati suæ transcri- ^{tua}
pserunt. Non fortè ac tenerario calu aut nascuntur
magni Principes, aut obeunt. A D E O in terras com- ^{Nam}
modati veniunt, & revocati ad D E U M redeunt, non ^{priid.}
ante tamen, quām cum descripta curricula absolverint, ^{Kal.}
& destinationis divinæ numeros jam adimplerint. U- ^{Ian.}
trobique igitur adoranda dispositio Numinis & pro- ^{cl. 1. 2.}
videntia est; atque ut gratulamur & triumphamus 86.
merito, cum hæc benignitatis divinæ accipimas ^{nata}
munera; sic cum reddenda eadem, oportet ^{est.}
agere gratias, tum quod concessit semel, tum
quod tamdiu indulxit. Ite igitur AUDITO-
RES,

RES, & ita approbate pietatem vestram Principi, ne aliquà apud DEUM siatis rei: cui parere & obsequi summa religio est. Ite, inquam, & quam luxistis ha-
cenus, veneramini deinceps: operam quisque dantes
pro se, ut meritorum illius, quæ summa ac immor-
talia sunt, memoriâque & gloriâ seculis
nullis intercedat.

DIXI.



ORATIO SEPTIMA,

AD

SERENISSIMVM PRINCIPEM
AC DOMINVM,

DOMINUM JOHANNEM
GEORGIUM II.

CUM PARENTEM SERENISSIMUM
LUGERET, AC NOVUM PRINCI-
PATUM AUSPICARETUR.

A. c. 15. I. c. LVI.

SERENISSIME PRINCEPS
ELECTOR,
CLEMENTISSIME
DOMINE,

Nemo nostrum, quam latè Saxones tui ag-
Myli, & cæteræ TIBI subjectæ gentes co-
lunt, tam fortunatus ac felix, tam constans
etiam aut durus, vel secors denique adeò
est,